

海變爲陸

震害
壞屋

〔太平記〕天下怪異事

同年元弘七月三日大地震有テ紀伊國千里濱遠干潟俄ニ陸地ニナル事、二十餘町也、

〔續日本紀元明〕靈龜元年五月丙午、參河國地震、壞正倉四十七、又百姓廬舍、往々陷沒、

〔續日本紀聖武〕天平十七年四月甲寅、是日通夜地震三日三夜、美濃國櫓館正倉、佛寺堂塔、百姓廬舍、

觸處崩壞、

〔文德實錄八〕齊衡三年三月是月、地數震、京師及城南或屋舍毀壞、或佛塔倚傾、

〔三代實錄清和〕貞觀十年七月八日己亥、地震、動內外垣屋、往々頽破、

〔三代實錄清和〕貞觀十年七月十五日丙午、播磨國言、今月八日、地大震動、諸郡官舍、諸定額寺堂塔皆

盡頽倒、

〔三代實錄陽成〕元慶三年十月廿七日癸未、出雲國言、今月十四日地大震動、境內神社、佛寺、官舍及

百姓居廬、或顛倒、或傾欹、損傷者衆、其後迄于二十二日、晝一二度、夜二三度、微々震動、猶未休止、

〔日本紀略圓融〕貞元元年六月十八日癸丑、申刻地大震、其響如雷、宮城諸司多以破壞顛倒、兩京舍屋

其數甚多、其中八省院、豐樂院、東寺、西寺、極樂寺、清水寺、圓覺寺等顛倒、地震之甚、未曾有矣、

〔扶桑略記後一〕長久二年七月廿日、丑刻地震、法成寺鐘樓顛倒、

〔扶桑略記後二〕延久二年十月廿日、半夜地震動、洛中家々築垣往々頽落、東大寺口鐘震零、諸國寺

塔間以壞損焉、廿三日時々又震、

〔扶桑略記三〕寬治五年八月七日癸亥、申刻有大地震、法成寺五大堂、軍茶利丈被震倒、九重塔流星

被震傾、金堂中尊寶幢瓔珞切落、講堂中尊藥師堂七佛光圓堂寶形、常行堂壁并裳層等皆以震損、又

大和國金峯山金剛藏王寶殿皆爲地震破損、古今未聞云々、

〔玉海〕元曆二年元治七月九日庚寅、午刻大地震、古來雖有大地動事、未聞損亡人家之例、仍暫不騷